



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1735. usque ad annum 1737

**Fleury, Claude**

**Augustæ Vindelicorum [u.a.], 1786**

**VD18 90119347**

§. 20. Sinensis Imperatoris obitus, ac Religionis status sub ejus successore.

---

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

Sæc. XVIII  
A. C. 1735

huc supererat P. Lizardius Vir Apostolicus; hunc ergo manibus pedibusque ligatum per integram leucam extra Coloniam raptant, rupi vicinæ appendunt, sagittis confodiunt, ac demum ejus corpus in frustra conscissum sacrilega ingluvie devorant. Ast horum Martyrum Sanguis, Christianorum erat seminarium; eodem enim adhuc anno P. Fouquei Missionarii Zoulo Guyonæ Palicuri incolæ fidem Catholicam magno numero profitebantur.

§. XX.

*Sinensis Imperatoris obitus, ac Religionis Status sub ejus Successore.*

Præter hæc controversias inter Missionarios agitatae ac Religionis Catholicæ incremento multum nocivæ extremum illius excidium promovebant odio & invidia Mandarinorum; Hi enim sparsis in Catholicos calumniis, falsoque impactis criminibus Imperatoris animum tantopere exasperabant, ut aliunde juratus Christianæ Religionis Hostis, omnibus Viris Apostolicis ex universo Imperio depulsis desertos Christianos vario tormentorum genere exterminare decerneret: pauci erant, qui

qui in fide constantes, cum tormentorum vi succumbere vererentur, ad abstrusissimas alpes & montes confugere poterant, ceteris nullo alio solatio relicto, nisi ut constantiæ suæ præmium per martyrii gloriam in cœlis expectarent, ac a Missionariis clam Macao in Chinam redeuntibus in fide & Sacramentorum usu quandoquæ corroborarentur. His tot calamitatibus superventuri leniminis spes affulgere videbatur, dum Imperator Juntschin seu ut alii scribunt, Yon Techim nocte, quæ septimam ab octava Octobris diem intersecat, anno ætatis suæ quinquagesimo tertio, & regiminis decimo tertio sævire simul & vivere desit: Erat quidem Princeps artium gubernandi minime ignarus, totoque Regiminis sui tempore publicæ rei curis assidue, gnæviterque intentus, Religionem tamen Christianam acriter & constanter infectabatur: Successerat defuncto ex ultima Patris sui voluntate Kien-lung quartus ejusdem Filius, qui Patre suo natura mitior, mox sese erga Europæos magis humanum exhibuit; jam dudum enim cum quodam Laico Fratre Josepho Castiglione Pictore familiariter agebat, ab eoque pingendi artem, qua summopere delectabatur, didicerat: sub primis etiam Imperii sui auspiciis

Sæc. XVIII.  
A. C. 1735.

*Hist. Eccles. Tom. LXXV. G Jo-*

Sec. XVIII. Josephum ex Regia Familia Principem  
A. C. 1735. Religioni Catholicæ addictissimum  
summis Regni negotiis officiisque  
movit: pariter a novis Missionariis  
Europa adventantibus munera recep  
allata gratanter acceptavit, eisq  
Sinica reddidit: Hoc singularis ben  
volentiaë signum brevi exceptit in  
spectata prorsus gratia, qua Missio  
riis Domos & Collegia, e quibus  
puli fuerant, restitui jussit, eisq  
misit, ut Missionarii Pekinenses Te  
pla antehac Cantone & alibi posse  
denuo aperirent, legem Christianam  
palam prædicarent, atque in labor  
Evangelici subsidium tot Viros Aposto  
licos, quot necessarios fore censeret  
Macao in Regnum advocarent: In  
per etiam quosdam Regni Proceres  
Tunkingi castigari præcepit, eoq  
Christianos regnante Imperatore  
functo, tam inhumane vexasse  
Opportune quoque advenerant  
Missionarii in Astronomicis & Math  
maticis scientiis apprime instructi, qu  
novus Imperator, utpote scientiarum  
artiumque cultor & fautor eximia  
singulari benevolentia exceptit. Qu  
niam vero nondum Patris sui decre  
contra Catholicos promulgata revoca  
set, Mandarinum, quos Imperator  
Clementia male habuit, Christianos  
om

omni injuria atrociter infectari decre-  
 vere, ac conjuratione inter se facta,  
 contra Christianam Religionem ejus-  
 que sectatores libellum supplicem in  
 Catholicos, eorumque sacra iniquissi-  
 mum, falsisque accusationibus & ca-  
 lumniis refertissimum obtulere, non si-  
 ne maximo rei Christianæ damno; Ju-  
 venis enim Princeps vix viginti quin-  
 que annos natus, cum Mandarinorum  
 violentiæ malisque artibus resistere aut  
 non posset, aut non vellet, eorum su-  
 furris faciles nimium aures adhibuit,  
 Patrisque sui vestigiis inhærens, Re-  
 ligionis exercitium denuo inhibuit.  
 Enimvero Missionarii inique sibi impa-  
 ctas calumnias meridiana luce clarius  
 refellebant, nullus tamen erat ad Im-  
 peratorem accessus, nec quisquam sup-  
 plicem illorum libellum eidem offerre  
 audebat: Spes unica eis erat re-  
 posita in præfato Pictore, qui solus  
 Imperatorem adire permissus, eidem  
 scriptum hoc obtulit, quo recepto le-  
 ctoque Princeps respondit, se non Si-  
 nensibus, sed Tartaris duntaxat mili-  
 tibus suis Europæorum Religionem in-  
 terdixisse. Hac spe ac benevolentia  
 freti Missionarii primum Pekini cultum  
 publicum restaurarunt, non nisi tamen  
 cum magna circumspectione, ne id,  
 quod maxime loco gratiæ haberi de-  
 buit,

Sæc. XVIII.  
 A. C. 1735.

Sæc. XVIII.

A. C. 1735.

buit, aut intempestiva libertate, aut Mandarinorum æmulatione atque invidia denuo penitus amitteretur; dissimulabatur tamen, ut festivis diebus in tribus præcipuis Ecclesiis plusquam novem Catholicorum millia concurrerent; sensim quoque Missionarii, qui de die in naviculis aut latebris hærebant absconditi, nocte mutato tamen habitu caute prodibant, ut captivis Christianis sacræ doctrinæ pabulo succurrerent. Insuper Imperator Principes Sunicos, quos ejus Pater dignitatibus, & opibus spoliatos Furdam in exilium detruferat, ac in carceribus & vinculis dire vexaverat, libertati pristinæ restituit, eorum tamen bonis & dignitatibus exutos reliquit: quapropter omnium rerum inopes miseram Pekini vitam agere coacti, id unicum solatii habebant, quod eis non deessent Sacerdotes, a quibus opportunius Sacramenta recipere, & ad Religionis suæ exercitia incumbere possent. Porro his initiis Religio Catholica saltem Pekini reflorescere videbatur, brevi tamen uberioris incrementi spes concepta evanuit; cum enim Imperator aliundè inconstantis, levisque animi Juvenis, voluptatum illecebris, mollisque vitæ commodis ac vanitatibus liberalius indulgeret, sepositis Imperii curis se  
Regni

Regni Primoribus, quos ei Pater com-  
mendaverat, totum permisit. Hi au-  
tem a Mandarinis stimulati, confirma-  
tis Juntschii decretis in Christianorum  
excidium latis, eosdem in variis Pro-  
vinciis crudelem in modum perseque-  
bantur.

Sæc. XVIII.  
A. C. 1735.

§. XXI.

*Wormatiensis contentio de quadam  
diruta Catholicorum Ecclesia.*

Jam a tempore memoriam hominum  
excedente Wormatienses Canonici  
ad S. Andream Parochialem Ecclesiam  
ad S. Magnum possederant; illam ta-  
men iniquo illo tempore, quo sua Ca-  
tholicis eripiendi cupiditas erat novi  
Evangelii tessera, Wormatienses Lu-  
therani ab anno Christi millesimo quin-  
gentesimo vigesimo sexto sibi vendica-  
runt. Reclamabant quidem continuo  
acriterque Canonici, jusque suum  
contra apertam vim quantis viribus  
possent, tuebantur, operam tamen lude-  
bant; quippe Lutherani fautorum po-  
tentia elati tunc non justitiæ leges, sed  
suam duntaxat sequebantur conscien-  
tiam, quam tamen juxta proprium  
arbitrium & commodum plerumque  
metiri solebant: hanc ergo Ecclesiam  
sibi solis attribuunt, possident, ibi suæ